

J

189

ORDINIS JURIDICI
IN ACADEMIA VITEMBERGENSI
DECANUS
GODOFREDUS

Strauß/

Jctus, Potentissimi Regis Poloniarum
atque Saxoniae Electoris in supremo Pro-
vocationum Judicio, necnon Serenissimi Principis An-
halt. Servest. Consiliarius Aulicus, Facultatis Juridicae in
hac Univerſitate Ordinarius, Decret. Prof. Publ. Cu-
riae Electoral. Consistorii et Scabinatus
Assessor.

Lecturis salutem plurimam dicit,
et eosdem

ad
DISPUTATIONEM INAUGURALEM

a
Clar. jam Candidato
DOM. JOHANNE ELIA **Treiber**

Arnſtad. Thur. Jur. Pr. Lipſ.
Futuro die 13. Octob. Anno M DCCII. habendam
invitat.


ORDINE IURIDIC
IN ACADEMIA VITIMBERGENSI
DECAVUS
GODOFRIDUS

1607
VITIMBERGA
IN ACADEMIA VITIMBERGENSI
DECAVUS
GODOFRIDUS

1607
VITIMBERGA
IN ACADEMIA VITIMBERGENSI
DECAVUS
GODOFRIDUS

1607
VITIMBERGA
IN ACADEMIA VITIMBERGENSI
DECAVUS
GODOFRIDUS





Jesu juva!



Uls Romanum Justinianicum vim legis in omnibus Imperii Romano-Germanici territoriis habere, inter omnes æque constat. Quare & secundum istud in foro & judiciis pronuntiandum esse, ex ipsorum Imperatorum & Statuum Imperii sanctionibus oppido liquet. Cum enim Ordinatio Judicii Cameralis, MAXIMILIANO I. imperante, Anno 1495. instituti, concinnanda esset, Assessoribus ejusdem juramento ab ipsis præstando, ut juxta Jura communia (nach des Reichs gemeinen Rechten) judicare debeant, diserte injunctum fuit. Id quod deinceps ordinatione Camerali de Anno 1500. §. ordnen/sehen 2c. verbis nach laut gemeiner Käyserl. Rechte 2c. præclare repetitum legitur, nec minus in Ordinatione Politica de Anno 1577. §. 17. verbis: Dieweil solche Contracten in gemeinen beschriebenen Rechten höchlich verbotthen 2c. manifeste comprobatur. Ut alia loca ex Imperii Recessibus prætereamus. Inde vero aperte infertur, quod, qui in Imperio nostro, siue in Cathedra, siue in Judiciis, ad intentionem suam firmandam Legem adducit Justinianeam, causam tamdiu habeat

A 2

habeat fundatam, donec adversarius jus posterius mon-
stret contrarium, vel jus speciale indubitatum afferat. Nam
& eorum Doctorum sententia, qui allegantem jus Ju-
stinianum ad observantiam probandam istius textus ad-
stringere satagunt, facile concidit: Quoniam Jus Justi-
nianeum non tantum ex approbatione & receptione Im-
perii expressa, sed etiam tacita omnes imperio Roma-
no-Germanico subjectos stringit & obligat: quemad-
modum Conringius tr. de origine Juris Germanici passim
& fuse deducit ac ex ipsius antiquitatis fontibus eruit at-
que evincit. Quæ quidem receptio Juris Justiniani
sub initium seculi 15. in Germaniam facta, ac primo
quidem in Academiis Germanicis publice doceri illud
cœpit; tum vero in fora Imperii nostri sensim introdu-
ctum fuit. Cum igitur agnitio & approbatio Juris Ju-
stiniani & tacita & expressa in aprico sit, quis dubita-
bit, idem pro communi jure haberi & easdem vires for-
tiri, ac olim leges Graecorum a Romanis descriptæ & in
Rempublicam receptæ obrinebant? Et quid tandem fie-
ret litigantibus, (ut reliqua taceam) si lege Justiniana ni-
xi eiusdem usum adversario exigente probare tenerentur?
Ecquidem ita lis ex lite, Processus ex Processu nasciturus
foret; cum primis si recogitemus adversario reprobatio-
nem vel contrariam demonstrationem denegari haud
posse, causa principali interim quiescente ac suspensa.
Ut taceam, cum judicantibus in Judiciis, tum Assessoribus
in iisdem duram conditionem obrudi, si ista sententia
prævaleret. Illi enim in Scholis antea jus Civile edocti,
postea ad forum delati, animadvertentes, quod leges Ju-
stinianæ non probent, nisi de earundem usu constet,
hæsitabunt semper, num secundum earundem tenorem
pronunciare queant, cum observantiam earundem ha-
ctenus

stenus ignorent. Unde eveniet, ut plerique Judices ac
Assessores conscientia dubia sententias suas proferant, &
Cynofura certa, quam alias e vestigiis Jur. Civilis sequi
poterant, plane destituantur. Laudat hinc potius & fir-
mat, quæ in Germania invaluit, Jur. Civ. autoritatem *Ar-
turus Duck de usu & autoritate Jur. Civ. Romanorum lib. 2.
c. 2. §. 15.* ubi Brunsvicenses, Luneburgenses, Bremenfes
Pommeranos, Megapolenses, aliosque populos adjacen-
tes, qui olim Jure Sax. usi sint, jam ab eo in plerisque ca-
sibus recessisse & ad jus Cæsareum rediisse asserit. Pariter &
in Provinciis, quæ Jus Sax. receperunt, si controversiæ in-
cidant, in quibus Jus Saxon. a Civ. dissidet, sequendum po-
tius esse Civile Romanorum, quam Saxonum plurimi exi-
stimant. Nam & in nostris Collegiis Juridicis, quoties de
jure ad remotiora a Nobis Judicia respondemus, in du-
bio & si de jure statutorio non fuerimus certi redditi,
juxta principia Jur. Civil. causas decidimus. Interim
diffiteri non possumus, in Articulis non paucis provinci-
as quasdam custodire & servare jura Svevica & Saxoni-
ca aliaque statutoria, eademque Juris Civil. sanctionibus
præferri, exemplo inseruit Const. Carol. V. Imperatoris,
quam de fratrum filiis admittendis ad successionem pa-
trui cum fratribus jure representationis ex principiis LL.
Romanarum edere cum satageret, Elector Sax. tanquam
supremus Jur. Sax. Defensor, strenue contradixit, & ne sub-
diti sui sanctioni illi obstringerentur, publice protestatus
fuit. Spectat huc Jus Lubecense, ex Jure Sax. & Canon.
maximam partem compositum, quod deinceps a Fride-
rico I. Imperatore confirmatum fuit. Plura hanc in
rem exempla adducere nihil attinet, cum labore isto nos
sublevavit Candidatus noster, Vir Juvenis, Pereximius at-
que Clarissimus JOHANNES ELIAS TREIBERUS, cu-

jus gratia, cum modo dicta præmisimus, de ortu, studiis & profectibus nonnulla pro more recepto ex hoc loco in medium proferre necessarium duximus.

Natus vero est TREIBERUS noster in *Arnstadiensi* florentissima *Thuringia ac* ditionis *Schwarzburgica* Civitate Anno MDLXXVII. in ipso annuntiationis Mariæ Fefso. Patrem habet Præclarissimum ac Eruditissimum Virum Mag. JOH. FRIDERICUM TREIBERUM Lycei Arnstadiensis *Rectorem* optime meritum, Matrem vero fœminam Florentissimam, SYBILLAM, natam ZEISOLDIAM, M. PHILIPPI ZEISOLDI, *Pastoris Gœlnizensis & Diœcesos Altenburgica Adjuncti gravissimi filiam*. Hisce Parentibus pie ac liberaliter educatus, rudimentis literarum haustus, Plurimum Reverendi Viri MAG. WOLFGANGI CAROLI, *nunc Ecclesia Arnstadiensis Diaconi meritisissimi curæ* demandatus, tum quoque *Patris Venerandi, nec non Con-Rectoris Scholæ Arnstadiensis ac Clarissimi Viri, NICOLAI FREYTAGII* auspiciis eximios profectus fecit. Relicta deinceps Patria Urbe Anno M. DCLXXXV. Erfurtum de consensu Parentis concessit, ibique prima Juris Elementa a *Viro Nobilissimo ac Consultissimo DN. JOH. ERNESTO TENZELIO, f. U. D. ac Prof. allic loci famigeratissimo* hausit, ejusque curæ & diligentiæ indefessæ plurimum se debere, ingenue profitetur. Nam & tantum in se collatum beneficium grata mente semper recolet, omni officii ac obsequii genere data occasione id iterum demeriturus. Lipsiam de hinc Anno MDCXCVI. petiit & in numerum Civium Academicorum *Rectore Magnifico CHRISTOPHORO PFAUTZ, Mathem. Prof. Publ. Celeberrimo* coopatus, animum omnesque vires ad Juris prudentiæ sacra sedulo appulit ac lectiones publicas pri-vatasque diligenter frequentavit. Eo ipso enim Anno, quo

quo Academiam istam ingressus, Excellentissimum Virum
DN. BARTHOLOMÆUM LEONHARDUM
SCHWENDENDOERFFERUM, *JCIum & Antecessorem*
in eadem Academia celeberrimum, Fautorum atque
Amicum nostrum honoratissimum, *de successione singulari*
ex Jure Majoratus &c. publice differentem, nec non *Con-*
sultissimos Viros DN. AUGUSTUM BENEDICTUM CARP-
ZOVIVM, *ff. Prof.* maxime inclytum, Affinem nostrum
colendissimum, *Institutiones Jur. Feud. Schilteri* expli-
cantem & DN. D. ITTIGIUM, *ad Reg. Jur. Can.* nec non
Beatum DN. D. ANDREAM MYLJUM, *ad J. Just.*
& subsequenter annis ad *Jus Judiciarum* publice com-
mentantes, summa attentione audivit. Atque & le-
ctionibus privatis DN. D. ITTIGII, *Lauterbachii Com-*
pendium Juris nec non lib. 4. Jurisprudentia Struviana in-
terpretantis pariter interfuit. Imprimis vero studio-
rum suorum progressum debere se confiteretur, *Consul-*
tissimis & Excellentissimis Viris Dominis Doct. LÜDERO
MENCKENIO, Doct. CHRISTIANO GODOFREDO FRAN-
CKENSTEINIO, Doct. GOTTLIEB GERHARDO TITIO,
Doct. JOH. CHRISTOPHORO SCHACHERO & Doct.
CHRISTIANO WEIDLINGIO. Quorum primus *Juris Pri-*
vati dogmata; alter *Jus Publicum una cum Historico-Politicis*
discursibus notitia Imperii Böckleri; Tertius *Jus Naturale*
quoque Publicum & Ecclesiasticum methodo singula-
ri: Quartus *Magnifici Domini Stryckii Introductionem ad*
Praxin forensen; Quintus denique *Tabulas Jur. Publ. B.*
Domini Jacobi Thomasi nec non Philosophiam Juridicam, ex-
plicuerunt ac illustrarunt. Præterea deprecicare ha-
bet egregie singulare Patrocinium *Consultissimorum ac*
Amplissimorum Virorum Doct. JOH. FRIDERICI SCIPIO-
NIS Hereditarii in Zwey: Naundorff / Domini BENJAM
MAGE-

MAGENII, Cur. Provin. Lipsiens. Proto-Not., Domini GUILL-
ELMI Nitschky, Hereditarii in Bachau. Quibus per
totam vitam suam gratum animum declarare non præ-
termisurum spondet. Tandem studiorum suorum fi-
duciam habens Lipsia huc venit & ut ad specimina &
examina consueta admitteretur ea, qua decet, reveren-
tia, petiit. Sustinuit quoque utrumque & alterum,
quod rigorosum vocamus, Examen, inque iis ita stetit,
ut Collegium nostrum eundem dignum judicaverit,
qui ad disputationem solennem publice habendam por-
ro admitteretur. Argumentum vero Dissertationis pu-
blicæ ac inauguralis de *prærogativa morum Germanie in
concurſu cum LL. Receptis* pertractavit, & sub præsidio
*Nobilissimi Consultissimi ac Excellentissimi Viri Dn. CASPA-
RIS HEINRICI HORNII, Juri & Pandect. Prof. Publ. fa-
migeratissimi Curie Electoralis, Scabinatus & Facultatis Ju-
ridicæ hic loci, nec non Judicis Provincialis in inferiori Lusa-
via Assessoris gravissimi* ad diem futurum XIII. Octobr. Deo
dante in Auditorio Majori illam tuebitur. Cui Pane-
gyri solenni ut *Magnificus ACADEMIÆ PRO-RECTOR Per-
illustriſſis & Generosiſſimus liber Baro, nec non Patres Con-
scripti* & in universon omnes Jurisprudentiæ fautores;
imprimis *Cives nostri* interesse haud graventer etiam
atque etiam oro rogoque. PP. sub sigillo Facult.
Jurid. Dominica. XVII. P. Trin.

WITTENBERGÆ,
Typis CHRISTIANI GERDESII.

01 A 6680


ULB Halle 3
003 105 547



561

W 17





10a

ORDINIS JURIDICI
IN ACADEMIA VITEMBERGENSI
DECANUS
GODOFREDUS

Strauß/

Jctus, Potentissimi Regis Poloniarum
atqve Saxoniae Electoris in supremo Pro-
vocationum Judicio, necnon Serenissimi Principis An-
halt. Servest. Consiliarius Aulicus, Facultatis Juridicae in
hac Universitate Ordinarius, Decret. Prof. Publ. Cu-
riae Electoral. Consistorii et Scabinatus
Assessor.

Lecturis salutem plurimam dicit,
et eosdem

ad
DISPUTATIONEM INAUGURALEM
a

Clar. jam Candidato
DOM. JOHANNE ELIA **Treiber**

Arnstad. Thur. Jur. Pr. Lipf.
Futuro die 13. Octob. Anno MDCCII. habendam
invitat.

